

РУСКИ НОВИНИ

„Руски Новини“ виходи сваки тивень. — Предплаћа се рок 60 Дин. Адреса: „Руски Керестур“ Р. Керестур.

ЗА РУСИНОХ У ЈУГОСЛАВИЈИ

Видава: Руске Нар. Просв. Друштво
Редактор: Мих. ФИРАК.

В - И - С - Т - И

Бенеш одступел.

5. октобра президент чехословацкеј републики Едвард Бенеш одступел зос својого звания як президент држави. Зробел вон то, же би його особа не завадала при ушориваню приятельских одношеньох зос сушеским народима. Нови президент ма буц избрани ва 14 дні, а вибера го парламент и сенат ведно. До того часу длужносци президента сполнюв предс. влади ген. Сирови.

Русин министр у Праги.

Пред самим одступом Бенеша пременела ше влада у Праги на тельо, же вошли до ней ише два генерали и еден министр за Словакох и еден за Подкарпатску Русь. Словацким министром поста наслідник Глинки Др. Тисо, а руским якиш Иван Паркань. За министра Тиса знаме, же в предняк словацких народоцех, але хто Иван Паркань то цалком у явним живоце Русинох не познате. Чи тераз Чехи не зробели заштову. Хибу та поставели Русином за министра даякого батогаша, а не чесного руского предняка. Найблвизи дні тото питане ровяшня.

Словаки посцигли свойо.

Нова влада у Праги мушела наостатку попустиц и Словаком и признац их же вони окреми славянски народ и зато достаню у чешкеј држави подполну автономию, свой словацки парламент, свою словацку владу. Лем войско, финанси и вонкашня политика буду ведно. Так на концу и сама чешка влада признала, же не постои еден чехословацки народ, але два самостойни народи чешки и словацки, котри тераз буду крашне у влагоди жиц у едней држави, котру тераз и Словаки буду баржей любии, бо вона им гарантуе шицки народни права.

Други вельки успех.

Минхенска конференция крем ушореня чешкого питаня и спасеня мира мала ише еден вельки успех, а тот е, же большевици остали цалком сами, охабени и ніхто ше на ніх не огляда. Баяко же то їх барз заболело и тераз ше дознава, же в соботу 1. окт. бул большевицки министр Литвинов у Паризу и протестовал, чом большевицка влада не була поволана до Минхену на наради. Розгнївани Литвинов вец виявел, же союз Французкеј и московских большевицкох ровтаргани и вецей непостої. Препаднул тиж союз зос Чехами, бо ше Чехи прешведчели, же их большевици не помагали. И тота осамленосц большевицкох и неуспех их союзу в европейским државама то други главни успех наради у Минхену, котри успех кажди муши привитац.

Опасносц войны прешла.

Од 1914. року кеди вибухла шветова война Европа не преживала таки хежки и небезпечни часи як цо були дні од 10. до 30. септембра того року. Три тижні вельки и мали народи жили у страху же ше обнови случай 1914. року пре Судетских Немцох т. е. тих Немцох котри, по войны припадди гу Чехословацкеј, а тераз ше жадали врациц под Немецку.

СТВАР СУДЕТСКИХ НЕМЦОХ.

З початку Судетски Немци жадали од Чешкеј да им да автономию да вони зос собу управяю, але у границох чешкеј држави. Чеси несцелио тим ані чуц. 10. септембра престали пре варяня, а у даедних немецких краях настала буна проци Чехох. Чехи теди там преглашели воене стане. Водьове судетох ведно зос Генлайном прешли до Немецкеј. Теди Гитлер на вельким конгресу своей партиі у Нирнбергу виявел, же кед Чехи несцу дац автономию, та вон им поможе да ю достаню. З другима словами Немецка пойдзе пре то и до войны зос Чешку државу.

ОПАСНОСЦ ШВЕТОВОЈ ВОЙНИ.

Розуми ше, же би ше тота война пренесла и на други држави, бо за Чехами була Французка и большевики. Гу Немцом би пристали Мадяре и Талияне, а хто зна дзе би ше габа войны становела. Да ше тото вельке нещесце за цали швет зопре председател англійскеј влади Невил Чемберлен пошол 15. септембра гу Гитлерови, да ше тото питане даяк розвяже на мирни способ.

Гитлер тото питане так предложел Чехи маю дац Немецкеј држави тоти свойо краї судетских Немцох дзе вони у векшини и то дораз през плебисциту (гласаня чи сцу чи не сцу да прејду под Немецку), а дзе Немцох ест меней там будзе плебисцит да ше виявя дзе сцу остац. Так исто ше Чехи маю у тим ушориц и зос Немецку и Польску.

Тоти Гитлерово жаданя принес Чемберлен до Лондону, дзе такой прилеел председател французкеј влади Даладе зос министром вонкашних ділох. Радзели ше и дорадзели, же Чехи муша Гитлерово жадане виполниц. И Чехи пристали бо мушели. Сами вони ше з Немцом прец не могли.

21. септембра чешка влада на то пристала и председател влади Годжа зос цалу владу дал демисию — задзеквал. Председател држави Бенеш именовал теди нову владу, котрей на чоле стал генерал Сирови. Нова влада такой 22. преглашела воене стане у цалей држави, а 23. спроведла мобилизацию. Генерал у бешеди до народу виявел же Чехи уж не сами, То значело же им дахто обецал помоц (наскорей большевики).

ГИТЛЕРОВ УЛТИМАТУМ.

Як одвит на чешку мобилизацию Гитлер послал чешкеј влади такой 24. септембра прејг Чемберлена ултиматум — едно писмо у котрим гледал, да Чехи предац Немецки краї уж 1. октобра, инак будзе война.

Цали швет бул прешведчени, же война ту и лем цо не вибухла. У тот час не умишал и председател Америки Рузвелт и зос посредничством його и Мусолиния зинши ше представники Италиі, Французкеј, Англиі и Немецкеј у Минхену.

КОНФЕРЕНЦИЯ У МИНХЕНУ 29. СЕПТ.

28. септ. поводал Гитлер на пораду до Минхену Чемберлена, Даладеа и Мусолиния. Порада була 29. септ. и то најважнейша од часу мирових догвароц у Версало 1918-19. року. Ту були водьове штирох најмоцнейших државох Европи, и радзели ше, чи у Европи почне крив потоками чечиц, або будзе далей мир. Цали швет зос страхом чекал конец того догваряня.

И дочекал го. Рано 30. септембра шицки штирме државники подписали догварку як да на мирни способ тото питане розвяжу. Ришене таке:


Чехи муша од 1. октобра придац Немцом зос незаконеним инвентаром (маетком) штицки краї, дзе Немци у векшини. У краях дзе Чехи и Немци жио помиянано, до 1. октобра будзе плебисцит, кади народ сце да припадне. До конца року Чехи маю ушориц исте питане и зос Мадарску и Польску. Теди и Гитлер зос другима загарантуе Чешкеј ей нови границы.

На вистку же ше тото опасне питане на мирни способ розвязало цалом му швету одлегало. Опасносц киривей войны прешла як молга пред слупком чехи дотераз уж придали Немцом краї дзе вони у векшини. 2. октоб. придали и Поляком фалаток жеми (Тешин) дзе було найвечей Полякох, а зос Мадярами настали прегварки.

Нова чешко-словацка држава.

До Немецкеј прејдзе коло 3 милиони, а до Мадарскеј коло милион тешаньного жительствова чешкеј држави. Немецки краї котри Чешка тераз траци барз богати зос минералама (угель, железо и т. д.) и лесами, а маю и вельо фабрики. Ту Чехословацка држава барз вельо траци.

Але зато Чехословацка остане чисто славянска држава. У ней бул три братски народи: Чехи, 8 милиони Словаки 3 милиони и Русини 700.000. И кед Чехи голем тераз даю Словацом и Русином потполну автономию як обецали та теди их држава гоч вельо менша будзе вельо моцнейша, бо шицки ей гражданы буду задоволени и



На тей мапи Чехословацкей били места, то немецки краі, котри Чехи уж одступели Немецкей. Ценко шатирани места, то краі у котрих ше ма одбуц плѣбисит.

ШИРОМ ШВЕТА

Нова Чехословацка будзе цалком иншак випатрац не лем по своїх нових граніцох, але вона будзе цалком иншак нука ушорена и будзе водзиц цалком другу политику од тей котру до тераз водзела. Вона ше обраци баржей гу Немецкей и Италиї, гоч не сие розтаргац приятельство ані зос Французку. — Словаци и Русини достаю автономію, а цала держава будзе ушорена на корпоративни способ слично як Италия и випатра, же шицки странки буду забранети. Зато Бенеш одступел, бо вон мал иншаки плани и погляди а гу тому Немци го не любели. Далей будзе нова Чехословацка у шицким шпоровац, будзе ше тримац скромно и не будзе ше вельо мишац до велькей шветовой политики.

Мадярска гледа да ма граніци зос Польску. Го вона дума посцигнуц, да заграбе назад под свою власц нашу руску Горніцу, а сцела би и Словакох. Ніхто не допуци мадяром, да заш приискаю тоти народи, бо кед Чехи не шму владац над судетским Немецми гоч Немцом не було подло, з яким правом би шмели Мадяре владац над Русинами, котрих вони пред войну скоро помадярили.

Демобилизацию то значи розпуцане войска дому почала уж ческа влада, а и влада Французка и Немецка. Розуми ше же радост велька влада прето по валалох и варошох у тих державох, бо шицки чекали кирваве клане.

Французка и Италия. По минхенскей наради признала и Французка влада Абесинию Италиї. То знак приближованя тих двох державох, и то заш знак, же ше обставини у Европи ушорюю и неприятельства попуцую.

Английско-талиянски одношена. тиж ше вельо поправили од конференції у Минхену. Тераз озда войдзе до живота и тали-

янско-английски пакт (догварка) направени того року. Пре непорозумєня у еспанским питаню (поцаговане талиянских добровольцох з Еспаниї) од тей догварки до тераз хасну не було. Минхен розяшнел вельо други чешки питаня та ше и ту благодатни вплив минхенского порозумєня муши указац.

НАША ДЕРЖАВА

ЗАБИЛА СТАРУ УЧИТЕЛЬКУ. Милица Вуядинович, послужителька старей учительки Милицы Михайлович у Земуну рано 3. окт. кед пришла гу учительки пораїц, нападла ю зпоза хрибта и зос железну штанглу вдерела 17 рази по глави. Учителька була на месту мертва а Вуядиновичева забрала ей пенежи 8.000 Д. и приавели ше исти дзень до шпиталию як хора на маларию. Але ю фришко полиция там пренашла и вона ше признала, же забила учительку пре пенеж.

14 РОКИ РОБИЇ достал якиш Исакович зос Смедерева зато, же забил свою невинчану жену, Милойку. Забил ю зато да ю не муши отримовац.

130.000 Д. ОДНЯЛИ збойници директору и касиру рудника Айвалия при Приштини. Тодор Шевич, Юсуф Шерифович и Драголюб Янкович уж влапени, и пенєж при нїх найдзени.

ДВА МИЛИЯРДИ за калдерми, 464 мил. за висушене подводней жеми и 20 мил. за нови основни школи одредзела наша влада. Так виявѣл министер Стошович новинаром у Скопљу. Шицок тот пенєж будзе еднак поделени на шицки бановини.

НЕМЕЦКИ МИНИСТЕР Др. Функ бул тих дньох у Београду и за новини дал таку вияву: „Видно, же у Югославиї уж прешла криза. Шицко, цо Югославия ма на предай, ми у Немецкей можеме купиц, а шицко цо Югославия потребуе, ми ей можеме настарчиц.“

Спорт

В недзелю 2. X. С. К. Русин бавел приятельске змаганя зос С. К. Вепровачом, хторе добил зос 3:1. На недзелю 9. X. будзе Русин бавиц первенствене змагане зос одличним клубом зос Гедешу, бависко будзе интересанте, не треба забуц пойсц опатриц.

Управа модлі за цовекеше нашивене.

Управа.

ДОДУТЯНУ Гудак Йовгена сийгло вшелїякей порцоловей робиц святи образи, жвератка у вшелїякей величини, вшелїяки красни ларунки можеце достац по найтуншеї цени лем у Гудак Йовгена. Придзце и уверце ше!

У хотаре Ловас

ПРИ МИКЛОШЕВЦОХ

вст од 40 до 50 ютра жеми на предай под аренду. Жем порихтана за жито шац. Хто ма дзеку купиц най ше прияви гу **ДЮРОВИ ГОЛИКОВИ** у Миклошевцох.

Предам ланц жеми на Косцеліску на вше: уд. Ирина Чивмар. Руски Керестур.

Гало! Чесаре!

Од najlepшого челїка вироби вшелїяки

ЩЕЦИ

№ 5, 6, 8, 16. Кажди час можеце буц добре услужени у

ПАВЛА КУПФЕРШМИТ, ковач
ФИЛИПОВО, Престолонаследника Петра 57